

## Lou vergiè de moun paire

*Dins moun enfanço, mon paire avié un terren dins lis Aupiho, èro un canto-cigalo, mai pèr noutri, lou paradís terrèstre.*

*Touti li dimenche quand fasié bèu tems anavian dins nostre vergiè secarous, que moun paire ié disié Vaurugue. Aquello terro ié venié de sis avi, qu'èron pacan dins aqueu rode qu'èro d'une bèuta meravihouse.*

*D'aquí vesien lis Aupiho coumo uno loubo espectacularouso de roucas. Mai la vido èro bèn dificilo dins aqueu caire, senso aigo e liuen de tout. Sus lou pítchot eretage de mon paire i avié un cabanoun. Touto la prouprièta èro ben courdouna d'aglanié.*

*A l'intrado qu'èro mercado d'uno grosso peïro ma maire avié planta di mato d'iris, e dins lou terren moun grand avié fa un vergiè, mai un vergiè sense aigo, lou vergiè di cigalo.*

*Emé d'ouliviè de vigno e d'aubre fruchous, aubricoutié, pruniero, e grafiounié. Touti li dimanche de l'anado pourtavian di boumbonno d'aigo dins la veituro, e quouro li frus èron madur li proumenaire avien fa la récolto.*

*Li beu iris de ma maire èron rascla, mai voulien pas leïssa nostre terro. Moun paire disié : « - Faudrié estre un paria pèr abandouna la terro de sis avi ».*

*Un dimenche quand sian arriva la porto du cabanoun manquaro, un outro fès la teulisso s'èro escapado alor, pèr fin a bèn fini pèr la vendre aquello terro. Lou Vaurugue di sautarello di cri-cri, di limbert e di rassado. Mai aro quand passo davant aqueu caire, me rapello moun enfanço, e pèr ièu touto la Prouvenço es aquí.*

*Penso i vieil cerisié ounté moun pairé m'avié fa un balançadou, e lou long dôu camin à touti li sentour, de pin, de ferigoulo, de pebre-d'ai, de romarin e touti li bonno causo que revendron jamai.*